

四庫全書

集部

欽定四庫全書

集部

元詩選初集卷三

四

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣暴暄

欽定四庫全書

元詩選初集卷三

庶吉士顧嗣立編

春日

里社春盤巧欲爭，
栽紅暈碧助春情。
忽驚此日仍為客，
却想當年似隔生。
貧裏齏鹽憐節物，
亂來歌吹失懽聲。
南州剩有還鄉伴，
戎馬何時道路清。

歐陽詹春盤賦栽
紅暈碧巧助春情

為韻

橫波亭為青口帥賦

孤亭突兀插飛流，氣壓元龍百尺樓。
萬里風濤接瀛海，千年豪傑壯山丘。
疎星澹月魚龍夜，老木清霜鴻鴈秋。
倚劍長歌一杯酒，浮雲西北是神州。

野菊座主閒閒公命作

柴桑人去已千年，細菊班班也自圓。
共愛鮮明照秋色，爭教狼籍卧疎煙。
荒畦斷壟新霜後，瘦蝶寒蛩晚景前。
只恐春叢笑遲莫，題詩端為發幽妍。

昆陽二首

古木荒煙集暮鴉，高城落日隱悲笳。
并州倦客初投迹，楚澤寒梅又過花。
滿眼旌旗驚世路，閉門風雪羨山家。
忘憂只有清尊在，暫為紅塵拂鬢華。

去日黃花半未開，南來忽復見寒梅。
淹留歲月無餘物，料理塵埃有此杯。
老馬長途良憊矣，白鷗春水亦悠哉。
商餘說有滄洲趣，早晚乾坤入釣臺。

葉縣雨中

時霖前
旱尤甚

春旱連延入麥秋，今朝一雨散千憂。
龍公有力迴枯槁

客子何心歎滯留
多稼即看連楚澤
歸雲應亦到崧丘
兵塵浩蕩乾坤滿
未厭明河拂地流

潁亭

潁上風煙天地迴
潁亭孤賞亦悠哉
春風碧水雙鷗靜
落日青山萬馬來
勝槩銷沈幾今昔
中年登覽足悲哀
遠遊擬續騷人賦
所惜怱怱無酒杯

三四二句又見張希孟會波樓詩

襲之病昔人亦不免耶

山中寒食

小雨班班浥曙煙，平林簇簇點晴川。
清明寒食連三月，潁水崧山又一年。
樂事漸隨花共減，歸心長與鴈相先。
平生最有登臨興，百感中來只慨然。

楚漢戰處

同欽叔賦

虎擲龍拏不兩存，當年曾此睹乾坤。
一時豪傑多一作皆

行陣萬古山河自，僻門原野猶應厭。
厭膏血風雲長，遣動心魂成名豎子知。
誰謂擬喚狂生與細論。

後灣別業

薄雲晴日爛烘春，高柳清風便可人。
一飽本無華屋念，百年今見老農身。
童童翠蓋桑初合，澹澹蒼波麥已勻。
便與溪塘作盟約，不應重遣濯纓塵。

寄欽用

顛顛京華首，蒼盤南山歸。
興夜漫漫長，門有賦人誰買。
坐榻無羶客，亦寒蟲臂偶然。
煩造物虜頭何者，亦求官故人東望，應相笑世路羊腸乃爾難。

內鄉縣齋書事

吏散公庭夜已分寸心牢落百憂熏催科無政堪書考
出粟何人與佐軍饑鼠遶牀如欲語驚鳥唳月不堪聞

扁舟未得滄浪去慚媿春陵老使君

遠祖次山春陵行云思欲委符節引

竿自刺船故子美有

興含滄浪清之句

被檄夜赴鄧州幕府

幕府文書烏羽輕故裘羸馬月三更未能免俗私自笑
豈不懷歸官有程十里陂塘春鴨鬧一川桑柘晚煙平
此生只合田間老誰遣春官識姓名

除夜

一燈明暗夜如何夢寐衡門在澗阿物外煙霞玉華遠
花時車馬洛陽多折腰真有陶潛興扣角空傳甯戚歌
三十七年今日過可憐出處兩蹉跎

劉光甫內鄉新居

鴈冠平日凜秋霜老去聲名只閉藏父老漸來同保社
兒童久已愛文章蔬隨隙地皆成圃竹放新梢欲過牆
為向長安舊遊道世間元有北憲涼

西齋夜宴

時為內
鄉令

飄零無物慰天涯
酒伴相逢飲倍加
誤謬君當畧彭澤
迴旋我亦笑長沙
金釵翠鞵迎春髻
銀燭光搖半夜花
只欠東山游錄事
不來堅坐看紛譁

叔能信之張杜諸人
皆在而麟之獨不至

出山

松門石逕靜無闌
布鞵青鞵幾往還
少日漫思為世用
中年直欲伴僧閒
塵埃長路仍回首
升斗微官亦強顏
休道西山不留客
數峰如畫莫雲間

石門

兩崖懸

一作橫

絕倚山根草徑低迷劣可分潭影乍從明

處見竹香偏向靜中聞石林萬古不知暑茅屋四鄰惟有雲曳杖行歌羨樵叟此生何計得隨君

岐陽三首

突騎連營鳥不飛北風浩浩發陰機三秦形勝無今古
千里傳聞果是非偃蹇鯨鯢人海涸分明蛇犬鐵山圍
窮途老阮無奇策空望岐陽淚滿衣

百二闕河草木橫十年戎馬暗秦京岐陽西望無來信
隴水東流聞哭聲野蔓有情縈戰骨殘陽何意照空城
從誰細向蒼蒼問爭遣蚩尤作五兵

眈眈九虎護秦闕懦楚孱齊機上看禹貢土田推陸海

漢家封檄自

一作盡

天山北風獵獵悲笳發渭水蕭蕭戰

骨寒三十六峰長劍在倚天仙掌惜空閒

雨後丹鳳門登眺

絳闕遙天霽景開金明高樹晚風迴長虹下飲海欲竭

老鴈叫雲

一作羣

秋更哀劫火有時歸變滅神嵩何計得

飛來窮途自覺無多淚莫傍殘陽望吹臺

懷秋林別業

茅屋蕭蕭浙水濱
豈知身屬洛陽塵
一家風雪何年盡
二頃田園入夢頻
高樹有巢鳩笑拙
空牆無穴鼠嫌貧
西南遙望腸堪斷
自古虛名只誤人

壬辰十二月車駕東狩後即事五首

翠被怱怱見執鞭
戴盆鬱鬱夢瞻天
只知河朔歸銅馬

又說臺城墮紙鷲血肉正應皇極數衣冠不及廣明年
何時真得攜家去萬里秋風一釣船

慘澹龍蛇日鬪爭干戈真欲盡生靈高原水出山河改
戰地風來草木腥精衛有冤填瀚海包胥無淚哭秦庭

并州豪傑知

一作今

誰在莫擬分軍下井陘

鬱鬱圍城度兩年愁腸饑火日相煎焦頭無客知移突
曳足何人與共船白骨又多兵死鬼青山元有地行仙
西南三月音書絕落日孤雲望眼穿

萬里荆襄入戰塵
汴州門外即荆榛
蛟龍豈是池中物
蟻蝨空悲地上臣
喬木他年懷故國
野煙何處望行人
秋風不用吹華髮
滄海橫流要此身

五雲宮闕露盤秋
銀漢無聲桂樹稠
複道漸看連上苑
戈船仍擬下揚州
曲中青塚傳新怨
夢裏華胥失舊遊
去去江南庾開府
鳳凰樓畔莫迴頭

癸巳四月二十九日出京

塞外初捐宴賜金
當時南牧已駸駸
只知灞上真兒戲

誰謂神州竟

一作陸沈華表鶴來應有語銅槃人去亦

何心興亡誰識天公意留著青城閱古今

國初取宋于青城受降

喜李彥深過聊城

圍城十月鬼為鄰異縣相逢白髮新恨我不如南去鴈
羨君獨是北歸人言詩匡鼎功名薄去國虞翻骨相屯
老眼天公只如此窮途無用說悲辛

與張杜飲

故人寥落曉天星異縣相逢覺眼明世事且休論向日

金史四庫全書
卷三
酒尊聊喜似承平山公倒載羣兒笑焦遂高談四座驚
轟醉春風一千日愁城從此不能兵

秋夕

小簾涼多睡思清一窻風雨送秋聲頻年但覺貂裘敝
萬古何曾馬角生寄食且依嚴尹幕附書誰住鄧州城
洗一作澆愁欲問東家酒恨殺寒雞不肯鳴

夢歸

顛顛南冠一楚囚歸心江漢日東流青山歷歷鄉國夢

黃葉蕭蕭風雨秋貧裏有詩工作崇亂來無淚可供愁
殘年兄弟相逢在隨分齋鹽萬事休

淮右

淮右城池幾處存宋州新事不堪論輔車漫欲通吳會
突騎誰當擣薊門細水浮花歸別澗斷雲含雨入孤邨

空餘韓偓傷時淚

一作語

留與繫臣一斷魂

五六全用韓致光語即于

結聯標出自成一體遺山詩用前人成語極多陶杜句尤甚又未可以此例槩之也

秋夜

九死餘生氣息存蕭條門巷似荒邨春雷漫說驚坯戶
皎日何曾入覆盆濟水有情添別淚吳雲無夢寄歸魂

百年世事兼身事尊酒何人與細論

為汴京之難言之
郝伯常有辨磨甘

露碑詩可考云國賊反城自為功萬段不足仍推崇勒
文誦德台學士濬南先生付一死林希更不顧名節兄
為起草弟親刻省前便磨甘露碑書丹即用宰相血百
年涵養一塗地父老來看閣流洋數尊黃封幾斛米賣
却家聲都不計盜據中國責金源吠堯極口
無覩顏作詩為告曹聽翁且莫獨罪元遺山

乙未正月九日立春

十度新正九處家今年癡坐轉堪嗟一冬殘雪不肯盡

連日苦陰

一作寒

殊未涯重碧總誇燕市酒小紅誰記上

林花殘魂零落今無幾乞與春風惱鬢華

甲午除夜詩云甲子兩周

今日盡空將素淚灑吳天是時金已亡故也

三仙祠

三仙祠下往來頻顛顛征衫滿路塵簫鼓未休寒食酒

樵蘇時見舊都人吹殘芳樹紅仍在展放

一作破

平田綠

已勻西北并州隔千里幾時還我故鄉春

送輔之仲庸還大梁

驂騑爭道渺翩翩誰遣風塵失壯年
四壁舊聞懸磬宅

一囊今有賣書錢
淋浪

一作滿

別酒青燈夜滅沒孤帆落

照邊想得還家過
春半故都

一作山

喬木滿蒼煙

眼中

眼中時事益紛然擁被寒窻夜不眠
骨肉他鄉各異縣
衣冠今日是何年
枯槐聚蟻無多地
秋水鳴蛙自一天
何處青山隔塵土
一菴吾欲送華顛

寄欽止李兄

征車南北轉秋蓬
關塞相望兩禿翁
袞袞便當隨世路
悠悠難復倚天公
銅駝荆棘千年後
金馬衣冠一夢中
尊酒雲州古城下
幾時攜手哭春風

鎮州與文舉百一飲

翁仲遺墟草棘秋
蒼龍雙闕記神州
只知終老歸唐土
忽漫相逢一作看
是楚囚
日月盡隨天北轉
古今誰見海西流
眼中二老風流在
一醉從教萬事休

衛州感事二首

金瓶西廂全書
卷三
神龍失水困蟬螭一舸倉皇入宋州紫氣已沈牛斗夜
白雲空望帝鄉秋劫前寶地三千界夢裏瓊枝十二樓
欲就長河問遺事悠悠東注不還流

白塢亭亭古佛祠往年曾此走京師不知江令還家日
何似湘纍去國時離合興亡遽如此淒遲零落竟安之

太行千里青如染落日

一作
獨凭

闌干有所思

望崧少二首

崧少飛來崑閬山山家茅屋翠微間雞豚鄉社相勞苦

花木禪房時往還，結習尚餘三宿戀。
殘年多負半生閒，長河一葦人千里。
望斷西城碧玉環。

飲鶴池邊萬木稠，養龍崖上五峰秋。
藤垂絕壁雲添潤，澗落哀湍雪共流。
田父占年驚玉旆，詩仙留迹歎岷丘。
西風落日山陽道，空對紅塵憶舊遊。

飲鶴池在緱山養龍崖在五乳峰下

懷州子城晚望少室

河外青山展卧屏，并州孤客倚高城。
十年舊隱拋何處，一片傷心畫不成。
谷口莫雲知鄭重，林梢殘照故分明。

洛陽見說兵猶滿半夜悲歌意未平

羊腸坂

浩蕩雲山直北看凌兢羸馬不勝鞍老來行路先愁遠
貧裏辭家更覺難衣上風沙歎顛夢中燈火憶團圞
憑誰為報東州信今在羊腸百八盤

太原

夢裏鄉關春復秋眼明今得見并州古來全晉非無策
亂後清汾空自流南渡衣冠幾人在西山薇蕨此生休

十年弄筆丈昌府爭信中朝有楚囚

野谷道中懷昭禪師

行行汾沁欲分疆
漸喜人聲挾兩鄉
野谷青山空自繞
金城白塙已相望
湯翻豆餅銀絲滑
油點茶心雪蕊香
說向阿師應被笑
人生生處果難忘

外家南寺

在至孝社子兒
時讀書處也

鬱鬱楸梧動晚煙
一庭風露覺秋偏
眼中高岸移深谷
愁裏殘陽更亂蟬
去國衣冠有今日
外家黎粟記當年

金史四庫全書
卷三
白頭來往人間徧依舊僧窻借榻眠

寄楊飛卿

客夢悠悠信轉蓬
蓆牀殷殷動晨鐘
西風白髮三千丈
故國青山一萬重
沙水有情留過鴈
乾坤多事泣秋蟲
三間老屋知何處
慚媿雲間陸士龍

再到新衛

蝗旱相仍歲已荒
伶俜十口值還鄉
空令姓字喧時輩
不救饑寒趨路傍
行帳馬嘶塵灑洞
空邨人去雨淋浪

河平千里筋骸盡更欲驅車上太行

別冠氏諸人

戊辰秋八月初二日

東舍茶渾酒味新
西城紅豔杏園春
衣冠會集今為盛
里社追隨分更親
分手共傷千里別
低眉常媿六年貧
他時細數平原客
看到還鄉第幾人

四哀詩

李欽叔

赤縣神州坐陸沈
金湯非粟禍侵尋
當官避事平生恥

視死如歸社稷心文采是人知予重交朋無我與君深
悲來不待山陽笛一憶同衾淚滿襟

冀京文

先公藻鑑識終童曾拔崑山玉一峰不見連城沽白璧
早聞烈火燎黃琮重圍急變紛紛口九地忠魂耿耿胸
欲弔南雲無覓處士林能不泣相逢

李長源

冀都事死東州禍李翰林亡陝府兵方為騷人箋楚此

更禁書客墮秦坑石苞本不容孫楚黃祖安能貸爾衡
同甲四人三橫賈此身雖在亦堪驚

王仲澤

太學聲華弱冠馳青雲岐路九霄飛上前論事龍顏喜
幕下籌邊犬吠稀壯志相如頭碎柱赤心嵇紹血沾衣
從來聖牘褒忠義誰為幽魂一發揮

杏花

庚子歲
南巷賦

芳樹春融絳蠟凝春風寂莫掩柴荆畫眉盧女嬌無奈

鬪齒孫娘笑不成已怕宿妝添蝶粉更堪暖蕊鬧蜂聲
一般疎影黃昏月獨愛寒梅恐未平

賦南中楊生玉泉墨

墨不用松煙
而用燈煤

萬竈玄珠一唾輕客卿新以玉泉名御團更覺香為累
冷劑休誇漆點成浣袖秦郎無藉在畫眉張遇可憐生
晴窻弄筆人今老孤負松風入硯聲

宮中以張遇麝香
小團為畫昔墨

赤石谷

林罅陰崖霧杳冥石根寒溜玉玎玲雲來朔漠疑秋早

山近清涼覺地靈，靜愛鳥聲存野調。
閑嫌人迹帶塵腥，南臺說有金銀氣。
可是并汾處士星。

繫舟山僧徒謂之小五臺九月中時

有景星如佛光云

滙亭同麻知幾賦

零落棲遲復此遊，一尊聊得散羈愁。
天圍平野莽無際

水繞孤城聞不流

元是深字知幾請予改作閒字

柳意漸迴淮浦暖，鴈

聲仍帶塞門秋。登高望遠令人起，欲買煙波無釣舟。

過應州

平野風埃接戍樓邊城三月似窮秋人家土屋纔容膝
驛路旂車不斷頭隨俗未甘嘗馬潼敵寒直欲御羊裘
十年紫禁煙花繞此日雲山是應州

感事

富貴何曾潤髑體直須浙米向矛頭血讎此日逢三怨
風鑑生平備九流瓢飲不甘顏巷樂市鉗真有楚人憂
世間安得如川酒力士鐺頭醉死休

感興

夜宿讀
書山作

倚梯從昔望煙霄七葉何人竟珥貂
道路常教車歷鹿功名唯有鬢飄蕭
勤如韓子初無補晚似馮公豈見招
五十三年等閒裏一窻風葉雨瀟瀟

出都二首

漢宮曾動伯鸞歌事去英雄可柰何
但見觚稜上金爵豈知荆棘卧銅駝
神仙不到秋風客富貴空悲春夢婆
行過廬溝重回首鳳城平日五雲多

歷歷興亡敗局棋登臨疑夢復疑非
斷霞落日天無盡

老樹遺臺秋更悲，滄海忽驚龍穴露。
廣寒猶想鳳笙歸，從教盡刻瓊華了。
留在西山儘淚垂。

壽寧宮有瓊華島絕頂廣寒殿近為

黃冠輩所撤

甲辰三月旦日以後雜詩二首

澌澌猩紅開曉晴，攢頭真似與春爭。
舒開楊柳聊相映，瘦殺寒梅枉自清。
粉豔低回工作態，絳脣寂寞獨含情。
畫圖只愛殘妝好，未信徐郎解寫生。

密霧輕塵細灑勻，綠雲紅雪一番新。
風光爛漫供歡席，

酒味清醇似主人
落落湖山如有喜
欣欣魚鳥亦相親
新詩寫入奚奴錦
從此他鄉不算春

紫牡丹

夢裏華胥失玉京
小闌春事自昇平
只緣造物偏留意
須信凡花浪得名
蜀錦浪淘添色重
御鑪風細覺香清
金刀一翦腸堪斷
綠鬢劉郎半白生

洛陽

千年河嶽控喉襟
一日神州見陸沈
已為操琴感衰涕

更須同輦夢秋衾城頭大匠論蒸土地底中郎待摸金
擬就天公問翻復蒿萊丹碧果何心

為鄧人作詩

再見州人本不期相留相挽忍相違攜盤渭水空

一作堪

流涕種柳金陵已合圍事去恍疑春夢過眼明還似故
鄉歸題詩未要題名字今是中原一布衣

贈張主簿偉

江岸墳荒草棘秋朱陽南下重君憂弓刀近塞人煙少

林壑經霜虎迹稠，究竟畏途知。
有漸激昂高義報，無絲
從今弟妹通家了，莫向瓜田認故侯。
戒為究竟伴
能過險惡道

寄劉繼先

清霜茅屋耿無眠，坐憶分攜一慨然。
楚客登臨動歸興，謝公哀樂感中年。
淒涼古驛人煙外，迤邐荒山雪意邊。
千樹春風水楊柳，待君同繫晉溪船。

寄荅商孟卿

窈渺朱絃寂莫心，得詩何啻得黃金。
冷猿掛夢山月暝

金史曰 卷三
老鴈叫羣江渚深異縣五年仍隔闕荒城連日想登臨
書來且只平安了撥觸離愁恐不禁

十一月五日暫往西張

城隈細路入沙汀絮帽衝風日再經歲歎邨虛更荒惡
窮冬人影亦伶俜林煙漠漠鴉邊暗山骨稜稜雪外青
四十年來此寒苦凍吟猶記隴關亭

石嶺關書所見

軋軋旃車轉石槽故關猶復戍弓刀連營突騎紅塵暗

微服行人細路高已化蟲沙休自歎
厭逢豺虎欲安逃
青雲玉立三千丈元只東山意氣豪

汴梁除夜

追錄

六街歌鼓待晨鐘四壁寒齋只病翁
鬢雪得年應更白
銜花何喜也能紅養生有論人空老
祖道無詩鬼亦窮
數^上日西園看車馬一番桃李又春風

龍興寺閣

全趙堂堂入望寬九層飛觀儘高寒
空聞赤幟疑軍壘

卷三
真見金人泣露槃
桑海幾經塵劫壞
江山獨恨酒腸乾
詩家總道登臨好
試就遺臺老樹看

聽姨女喬夫人鼓風入松

白雪朱絃一再行
春風纖指十三星
雲窻霧閣有今夕
寶靨羅裙無此聲
蕭灑寒松度虛籟
悠揚飛絮攬青冥
胎仙不比湘靈瑟
五字錢郎莫漫驚

寒食

壬子清
明後作

上苑春風盛物華
天津雲錦赤城霞
輕舟矮馬追隨遠

翠幕青旗笑語譁化國樓臺隔瀛海吳兒洲渚記仙家
山齋此日腸堪斷寂莫銅瓶對杏花

送樊順之

弓刀十驛岳蓮州渭水秦山得意秋王粲從軍正年少
庾郎入幕更風流寒鄉况味真雞肋清鏡功名屬虎頭
寄謝溪風亭上月老夫乘興欲西游

過寂通菴別陳丈

并序

陳丈未識某而愛其詩曾對高御史士美言我

他日見遺山當快飲百醉後見之而公已病乃
相約易百醉為百杯每見以酒籌計之至七八

十杯復有此別故詩中及之

甲辰
秋

心遠繇來地自偏不離城市得林泉從教上界多官府
且放閒身作地仙三月有期何敢負百杯未滿會須填
違離更覺從公晚却望都門一慨然

送李同年德之歸洛西

七柰流光冉冉何逢君聊得慰蹉跎飛黃老去空奇骨

社燕歸來只舊窠舉世盡從愁裏過一尊獨愛醉時歌
洛中定有人相問休道今年白髮多

存沒

辛老敬之
劉兄景玄

行間楊趙提衡早老去辛劉入夢頻案上酒杯聊自慰
袖中詩卷欲誰親兩都秋色皆喬木一代名家不數人
汲冢遺編要完補可能虛負百年身

人日有懷愚齋張兄緯文

書來聊得慰懷思清鏡平明見白髭明月高樓燕市酒

梅花人日草堂詩風光流轉何多態兒女青紅又一時
澗底孤松二千尺殷勤留看歲寒枝

張邨杏花

丁巳三月
初二日

昨日櫻桃

一作
脣

絳蠟痕今朝紅袖已迎門只應芳樹知

人意留著殘妝伴酒尊濃李尚須羞粉豔寒梅空自怨
黃昏詩家元白無今古從此張邨即趙邨

送奉先從軍

潦倒書生百戰場功名都屬繡衣郎虎頭食肉無不可

鼠目求官空自忙，卷月清笳渭城曉。
倚天長劍蜀山蒼，習池老去風流減。
醉後揚鞭媿葛疆。

贈玉峰魏文邦彥

夢想南山掩靄間，眼明驚見玉峰寒。
風波舊憶橫身過，世事今歸袖手看。
販婦庸兒識名姓，故鄉遺族見衣冠。
臨流卜築平生事，會就遼東管幼安。

鬱鬱

鬱鬱羈懷不易開，更堪寥落動淒哀。
華胥夢破青山在。

梁甫吟成白髮催
秋意漸隨林影薄
曉寒都逐鴈聲來
并州舊日風聲惡
悵望鄉書早晚回

秋日載酒光武廟

美酒良辰解后同
赤着城北漢王宮
百年星斗歸天上
萬古旌旗在眼中
草木暗隨秋氣老
河山長為昔人雄
一杯逕醉風雲地
莫放銀盤上海東

丙辰九月二十六日挈家遊龍泉

風色澄鮮稱野情
居僧聞客喜相迎
藤垂石磴雲添潤

泉漱山根玉有聲
庭樹老於臨濟寺
霜林渾是漢家營
明年此日知何處
莫惜題詩記姓名

洛陽高少府瀍陽後菴四首

溪上弄明月
風露發新警
心空無一塵
萬竹埽清影
一水隨人意
蔬畦復芋溝
風波河洛近
莫放出山流
韭早春先綠
菘肥秋未黃
殷勤繞畦水
終日為君忙
地僻境逾靜
林疎秋已分
清溪一片月
修竹四山雲

山居雜詩六首

瘦竹藤斜挂叢

一作

花草亂生林高風有態苔滑水無聲

石潤雲先動橋平水漸過野陰添晚重山意向秋多

樹合秋聲滿邨荒莫景閒虹收仍白雨雲動忽青山

川迴楓林散山深竹港幽疎煙沈去鳥落日送歸牛

漲落沙痕出堤推岸口斜斷橋堆聚沫高樹閣浮槎

鷺影兼秋靜蟬聲帶晚涼陂長留積水川闊盡斜陽

梁父吟扇頭

孔明箕踞坐大石上望月作梁父吟

盤礴萬古心塊石入危坐青天一明月孤唱誰與和

辛亥寒食

寒食年年好今年迥不同
秋千與花影并在月明中

德和墨竹扇頭

靜裏離離新粉動
時細細清香明月清
風自在紅塵白

日何妨

嫩香新粉墨離
離李長吉竹詩

曹得一扇頭

機中秦女仙去月底梅花晚
開只見一枝疎影不知何

處香來

論詩三十首

丁丑歲
三鄉作

漢謠魏什久紛紜
正體無人與細論
誰是詩中疏鑿手
暫教涇渭各清渾

曹劉坐嘯虎生風
四海無人角兩雄
可惜并州劉越石
不教橫槊建安中

鄴下風流在晉多
壯懷猶見缺壺歌
風雲若恨張華少

溫李新聲奈爾何

鍾嶸評張華詩恨其
兒女情多風雲氣少

一語天然萬古新
豪華落盡見真淳
南窗白日羲皇上

未害淵明是晉人

柳子厚唐之謝靈運
陶淵明晉之白樂天

縱橫詩筆見高情何物能澆醜磊平
老阮不狂誰會得出門一笑大江橫

心畫心聲總失真文章寧復見為人
高情千古閒居賦爭信安仁拜路塵

慷慨歌謠絕不傳穹廬一曲本天然
中州萬古英雄氣也到陰山救勒川

沈宋橫馳翰墨場風流初不廢齊梁
論功若準平吳例

合著黃金鑄子昂

鬪靡誇多費覽觀陸文猶恨冗於潘心聲只要傳心了

布穀瀾翻可是難

陸蕪而潘靜語見世說

排比鋪張特一途藩籬如此亦區區少陵自有連城壁

爭柰微之識球玦

事見元稹子美墓志

眼處心生句自神暗中摸索總非真畫圖臨出秦川景
親到長安有幾人

望帝春心託杜鵑佳人錦瑟怨華年詩家總愛西崑好

獨恨無人作鄭箋

萬古文章有坦途縱橫誰似玉川盧真書不入今人眼
而輩從教鬼畫符

出處殊塗聽所安山林何得賤衣冠華歆一擲金隨重
大是渠儂被眼漫

筆底銀河落九天何曾顛顛飯山前世間東抹西塗手
枉著書生待魯連

切切秋蟲萬古情燈前山鬼淚縱橫鑑湖春好無人賦

金史曰人三言
卷三
夾岸桃花錦浪生

切響浮聲發巧深
研磨雖苦果何心
浪翁水樂無宮徵

自是雲山韶濩音

水樂次山事又其款乃曲云停梳
靜聽曲中意好是雲山韶濩音

東野窮愁死不休
高天厚地一詩囚
江山萬古潮陽筆
合在元龍百尺樓

萬古幽人在澗阿
百年孤憤竟如何
無人說與天隨子
春草輸羸校幾多

天隨子詩無多藥草在南榮合有新
苗次第生稚子不知名品上恐隨春

草闕
輸羸

謝客風容映古今發源誰似柳州深朱絃一拂遺音在
却是當年寂莫心

窘步相仍死不前唱酬無復見前賢縱橫正有凌雲筆
俯仰隨人亦可憐

奇外無奇更出奇一波纔動萬波隨只知詩到蘇黃盡
滄海橫流却是誰

曲學虛荒小說欺俳諧怒罵豈宜時今人合笑古人拙
除却雅言都不知

有情芍藥含春淚無力薔薇臥晚枝拈出退之山石句
始知渠是女郎詩

亂後玄都失故基看花詩在只堪悲劉郎也是人間客
枉向春風怨兔葵

金入洪鑪不厭頻精真那計受纖塵蘇門果有忠臣在
肯放坡詩百態新

百年纔覺古風迴元祐諸人次第來諱學金陵猶有說
竟將何罪廢歐梅

古雅難將子美親精純全失義山真論詩寧下涪翁拜
未作江西社裏人

池塘春草謝家春萬古千秋五字新傳語閉門陳正字
可憐無補費精神

撼樹蚍蜉自覺狂書生技癢愛論量老來留得詩千首
却被何人較短長

西園

百草千花雨氣新今朝陌上有游塵皇州春色濃於酒

金史四庫全書
卷三
醉殺西園歌舞人

杏花雜詩八首

杏花牆外一枝橫
半面宮妝出曉晴
看盡春風不回首

寶兒元自太憨生

露華浥浥汎晴光
睡足東風倚綠窻
試遣紅妝映銀燭

湘桃爭合伴仙郎

嫋嫋纖條映酒船
綠嬌紅小不勝憐
長年自笑情緣在

猶要春風慰眼前

暖日園林可散愁每逢花處儘遲留青旗知是誰家酒
一片春風出樹頭

紛紛紅紫不勝稠爭得春光競出頭却是梨花高一著
隨宜梳洗儘風流

露浥清華粉自添隔溪遙見玉簾苔眼看桃李飄零盡
更揀繁枝插帽簷

楚客離魂不易招野春平碧水迢迢垂楊也被多情惱
瘦損春風十萬條

紅妝翠蓋惜風流春動香生不自繇莫向芸齋厭閒冷

小詩供作錦纏頭

韓偓喚三清之瑞露春動七情咀五色之靈芝香生九竅

出京

巫峽歸雲底處尋高城渺渺莫煙沈春風不翦垂楊斷
繫盡行人北望心

惠崇蘆鴈

寒沙折葦靜相依故國春風早晚歸意外羈棲誰畫得
羽毛單薄稻粱微

銅雀臺瓦硯

愛惜鉛華洗又看
畫闌桂樹雨聲寒
千年不作鴛鴦去
喚得書生笑老瞶

步虛詞三首

後二首五
鄉時作

閨苑仙人白錦袍
海山宮闕醉蟠桃
三更月底鸞聲急
萬里風頭鶴背高

萬神朝罷出通明
和氣歡聲滿玉京
見說人間有新異
綠章封事謝昇平

琪樹明霞碧落宮
歌音嫋嫋度冷風
人間聽得霓裳慣
猶恐鈞天是夢中

風雨停舟圖

老木高風作意狂
青山和雨入微茫
畫圖喚起扁舟夢
一夜江聲撼客牀

楊柳

楊柳青青溝水流
鶯兒調舌弄嬌柔
桃花記得題詩客
斜倚春風笑不休

梁縣道中

青山簇簇樹重重人在春雲浩蕩中也是杏花無意况
一枝臨水卧殘紅

長壽山居元夕

微茫燈火共荒邨黃葉漫山雪擁門三十九年何限事
只留孤影伴黃昏

右司正之家渭川千畝園

官街塵土霧中天入眼荒寒一灑然大似終南山下看

北風和雪卷蒼煙

山居二首

斜陽高樹挂晴虹
肅肅微涼雨氣中
一道鷺鷥花不斷
窠香吹滿馬頭風

詩腸搜苦快茶甌
信手拈書却枕頭
簷溜滴殘山院靜
碧花紅穗媚涼秋

寄女巖

鶴崖魚窟路間闌
旬月無繇一往還
寒食歸寧見鄰女

舉家回首望西山

鶴崖魚窟在內
鄉往盧氏道中

自鄧州幕府暫歸秋林

升斗微官不療饑
中林春雨蕨芽肥
歸來應被青山笑
可惜緇塵染素衣

題省掾劉德潤家驂鸞圖并為同舍郎劉長卿記

異劉在方城先有碧簫之遇如芙蓉城事云

千劫情緣萬古樓
中蕭史姓名非洞天
花落秋雲冷
腸斷青鸞獨自飛

雜著三首

青蓋朝來帝座新
豈知衛瓘是忠臣
洛陽荆棘千年後
愁絕銅駝陌上人

天上河源地上流
黃金浮世等閒休
埋愁不著重泉底
儘向人間種白頭

半紙虛名百戰身
轉頭高塚卧麒麟
山間曾見漁樵說
辛苦凌煙閣上人

俳體雪香亭雜詠十二首

亭在故汴宮
仁安殿西

洛陽城闕變灰煙莫號朝虞只眼前為向杏梁雙燕道
營巢何處過明年

落日青山一片愁大河東注不還流若為長得熙春在
時上高層望宋州

醇和旁近洞房環碧瓦參差竹樹一作木閒批奏內人輪

上直去年名姓在窻間醇和殿名

天上三郎玉不如手中白羽趁花奴御屏零落宣和筆

留得華清按樂圖

詩仙詩鬼不漫欺時事先教夢裏知禁苑又經人物散

荒涼臺榭水流遲

十年前商帥國器方城夢
中得後二句為言如此

金縷歌詞金曲卮百年人事鬢成絲重來未必春風在
更為梨花住少時

楊柳隨風散綠絲桃花臨水弄妍姿無端種下青青竹
恰到湘君淚盡時

琵琶心事曲中論曾笑明妃負漢恩明日天山山下路
不須回首望都門

鑪薰浥浥帶輕陰翠竹高梧水殿深去去旃車雪三尺

畫羅休縷麝香金

泥金色如麝
香宮中所尚

苦才多思是春風偏近騷人悵望中
曉盡杜鵑枝上血
海棠明日更應紅

暖日晴雲錦樹新風吹雨打旋成
塵宮園深閉無人到
自在流鶯哭莫春

莫雲樓閣古今情地老天荒恨未平
白髮累臣幾人在
就中愁殺庾蘭成

記夢

天上材官老不材從教兀兀走塵埃夢中望拜通明殿

曾見金書兩字來

戊子七月二十四日鄉往盧氏宿走馬平夜夢拜天帝像遂觀法駕導引

畫握最前負弩三人中有金書小字題裕之者夢中不自知其為予也

雜著二首

六朝瓊樹掌中春回首

闕

妝一面新生羨石家金谷裏

千年獨有陞樓人

燕語鶯啼百轉新長廊寂寂不逢人東君去作誰家客

花柳無情各自春

看

石綠香煤淺淡間多情長帶楚梅酸小詩擬寫春愁樣
憶著分明下筆難

出都

春閨斜月曉聞鶯信馬都門半醉醒官柳青青莫回首
短長亭是斷腸亭

姨母隴西君諱日作

寶鏡煌煌照九州埋藏曾及見諸劉鄴城今日無雷煥

紫氣誰當辨斗牛

陽曲劉氏家大寶鏡能照天地四方以前知休咎其家埋地中人不得見

也明昌泰和中北方兵動渠父子欲卜之一日先以旃幕障中庭乃扃閉門戶甚嚴及掘鏡出光耀爛然一室盡明如初日之照鏡中見北來兵騎穰穰無數餘三方都無所覩因大駭曰不可不可即埋之姨母時伏牀下得竊窺焉兵火後此家惟一兒子在姨母能指鏡處存否則不知也故予詩及之

自趙莊歸冠氏

杏園紅過雪披離楊柳無風綠綫齊寒食人家在原野

乳鴉牆外畫情嘯

濟南雜詩五首

兒時曾過濟南城，暗算存亡只自驚。
四十二年彈指過，却疑行處是前生。

吳兒洲渚似神仙，菴畫溪光碧玉泉。
別有洞天君不見，鵲山寒食泰和年。

石刻燒殘讌集辭，雄樓傑觀想當時。
只應畫戟清香地，多欠韋郎五字詩。

白煙銷盡凍雲凝，山月飛來夜氣澄。
且向波間看玉堦。

不須橋畔覓金繩

荷葉荷花爛漫秋鷺鷥飛近釣魚舟北城佳處經行徧
留著南山更一遊

題劉才卿湖石扇頭

幽澗雲凝雨未乾曲池疎竹共荒寒扇頭喚起西園夢
好似熙春閣下看

聞歌懷京師舊遊

樓前誰唱綠腰催千里梁園首重回記得杜家亭子上

信之欽用共聽來

出鎮州

汾水歸心日夜流
孤雲飛處是松楸
無端行近還鄉路
却傍西山入相州

南關二首

風裏秋蓬不自繇
一生幾度過隆州
無情團栢關前水
流盡朱顏到白頭

路轉川迴失繫舟
更教兩驛過徐溝
多情團栢關前水

却共清汾一處流

是日自徐溝宿南關

馬坊冷大師清真道院

枯蒲折葦障清灣十里風荷指顧間
安得西湖展 hands 亂鋪雲錦浸青山

遊天壇雜詩五首

芳樹陰陰鳥語譁綠雲晴雪映紅霞
青山可是堪人恨 藏著中巖十里花

漫山白白與紅紅小樹低叢看不供
總道楂花香氣好

就中偏愛玉瓏鬆

花名有玉瓏鬆

溪童相對采椿芽指似陽坡說種瓜想得

一作是

近山營

馬少青林深處有人家

湍聲洶洶落懸崖見說蛟龍擘石開安得天瓢一翻倒

躡雲平下看風雷

時早甚故云

仙壇倒影鳳麟洲一道雲光插素秋也是天公閒不得
海東移著海西頭

初挈家還讀書山雜詩二首

天門筆勢到閒閒相國文章玉筍班從此晉陽方志上

繫舟山是讀書山

繫舟先大父讀書之所閒閒公改為元子讀書山又大參楊公叔玉讓先

人墓

銘

眼中華屋記生存舊事無人可共論老樹婆婆三百尺

青衫還見讀書孫

賦瓶中雜花七首

予絕愛未開杏花故末篇自戲

老眼驚看節物新今年更與酒杯親東山一道花如繡

從此他鄉不是春

香中人道睡香濃誰信丁香臭味同一樹百枝千萬結
更應薰染費春工

生紅點點弄嬌妍半折花房更可憐傳語春風好將護
莫教容易作銀錢

紅抹蘭膏綠染衣綠嬌紅小兩相宜華邊剩有清香在
木石癡兒自不知

素豔來從月姣家溫風淑氣發清華人間自有交枝玉
天上休開六出花

金少四頁全言
卷三
昨日桃花錦片新
兔葵今日到殘春
低枝留得稀疎朵
比似全開更惱人

古銅瓶子滿芳枝
裁翦春風入小詩
看看海棠如有語
杏花也到退房時

杜生絕藝

杜生絕藝兩絃彈
穆護沙詞不等閒
莫怪曲終雙淚落
數聲全似古陽關

德華小女五歲能誦予詩數首
以此詩為贈

牙牙嬌語總堪誇，學念新詩似小茶。
好箇通家女兄弟。

海棠紅點紫蘭芽

唐人以茶為
小女美稱

春歸

野杏溪桃三兩枝，春歸也作送春詩。
東君自愛長安好，能住山城得幾時。

發南樓度鴈門關二首

雞聲未動發南樓，澗水隨人向北流。
欲望讀書山遠近，鴈門關上纈回頭。

金史四八八
卷三
稜磴石磴倚高梯穹谷無人綠樹齊總為古來征戍苦
宿雲常傍塞垣低

自題中州集後五首

鄴下曹劉氣儘豪江東諸謝韻尤高若從華實評詩品
未便吳儂得錦袍

陶謝風流到百家半山老眼淨無花北人不拾江西唾
未要曾郎借齒牙

萬古騷人嘔肺肝乾坤清氣得來難詩家亦有長沙帖

莫作宣和閣本看

文章得失寸心知，千古朱絃屬子期。恨一作殺溪南辛

老子相從何止十年遲

平世何曾有裨官，亂來史筆亦燒殘。百年遺藁天留在，
抱向空山掩淚看。

講武城

作計千年復萬年，似嫌蒸土不能堅。祇今講武人何在，
衰柳殘陽有亂蟬。

藥山道中

西風砧杵日相催著破征衣整未迴白鴈已銜霜信過
青林間送雨聲來

黃華峪五首

岱崧王屋舊經過自倚胸中勝槩多獨欠太行高絕處
青天白日看山河

絕壁孤雲字細看雲間龍穴想高寒碧瀾寸寸橫秋色

空對山靈說到難

唐人到難篇有碧瀾之下
寸寸秋色之句見丈粹

玉立千峰畫不如天公自有范寬圖
閭山要著黃花老

千尺珠簾得似無

前輩閭山詩有向使早逢周處士子端
應不號黃華之句處士指周先生德卿

團團石甕琢青瑤
仰面看雲覺動搖
誰著天瓢灑飛雨
半空翻轉玉龍腰

落峽飛流散不收
湍聲洶洶動高秋
也應嫌被紅塵澆
才近山門便泆流

鄉郡雜詩二首

平家自五代以後自汝州遷平定
宋末又自平定遷于忻故文字中

以平定
為鄉郡

一溝流水幾橋橫岸上人家種柳成
來歲春風一千樹
綠煙秋雨暗重城

新堂縹緲接飛樓雲錦周遭霜樹秋
若道使君無妙思
冠山移得近城頭

前高山雜詩

天池一雨洗氛埃全晉堂堂四望開
不上朝元峰北頂
真成不到此山來

楚山清曉圖

雨潤煙濃十二峰雲間合有楚王宮遙知別後西州夢
一抹春愁淺淡中

三鄉雜詩二首

夢寐滄洲爛漫遊西風安得釣魚舟薄雲樓閣猶烘暑
細雨林塘已帶秋

尖新秋意晚晴中六尺筇枝滿袖風草合斷橋通暗綠
竹搖殘照漏疎紅

榆社硤口邨早發

瘦馬長途懶著鞭
客懷牢落五更天
幾時不屬雞聲管
睡徹東窻日影偏

同兒輩賦未開海棠二首

翠葉輕籠豆顆勻
臙脂濃抹蠟痕新
殷勤留著花梢露
滴下生紅可惜春

枝間新綠一重重
小蕾深藏數點紅
愛惜芳心莫輕吐
且教桃李鬧春風

楊祕監馬圖

天閒誰省識真龍
金粟堆前草色空
忽見畫圖疑是夢
東華馳道麝香驄

岳山道中

野禾成穗石田黃
山木無風雨氣涼
流水平岡儘堪畫
數家邨落更斜陽

雪岸鳴鷓

離離殘雪點荒叢
更著幽禽慘淡中
笑殺畫簾雙燕子
秋千紅索海棠風

客意

雪屋鐙青客枕孤
眼中了了見歸途
山間兒女應相望
十月初旬得到無

論詩三首

坎井鳴鼃自一天
江山放眼更超然
情知春草池塘句
不到柴煙糞火邊

詩腸搜苦白頭生
故紙塵昏枉乞靈
不信驪珠不難得
試看金翅擘滄溟

暈碧裁紅點綴勻一回拈出一回新
鴛鴦繡了從教看
莫把金針度與人

風柳鳴蟬

輕明雙翼曉風前一曲哀箏續斷絃
移向別枝誰畫得
只留殘響客愁邊

僧寺阻雨

山氣森岑入葛衣砧聲偏與客心期
僧窻連夜蕭蕭雨
又較歸程幾日遲

王子文琴齋

天上秋風月底霜
求凰一曲鬢絲長
相如四壁消何物
直要文君典鸛鷖

舊與趙景溫

浮雲流水易西東
回首梁園似夢中
一別十年今又別
酒尊能得幾回同

雪谷早行圖

卷中多國朝
名勝題詠

畫到天機古亦難
遺山詩境更高寒
貞元朝士今誰在

莫厭明窗百過看

夜宿山中

月華人影共徘徊未算歸程夢已回
澗水悲鳴易愁絕
長松休送雨聲來

臺山雜詠五首

甲寅
六月

西北天低五頂高
茫茫松海露靈鼇
太行直上猶千里
井底殘山枉叫號

山上離宮魏故基
黃金佛閣到今疑
異時人讀清涼傳

應記諸孫賦黍離

一國春風帝子家
綠雲晴雪間紅霞
香繇穩藉僧溪草
蜀錦驚看佛鉢花

沈沈龍穴貯雲煙
百草千花雨露偏
佛土休將人境比
誰家隨步得金蓮

靈蛇不與世相關
時復蜿蜒水石間
何處天瓢待霖雨
一龕香火梵仙山

乙卯二月二十一日歸自汴梁二十五日夜久旱

而雨偶記內鄉一詩追錄於此今三十年矣

桑條沾潤麥溝青
軋耕車開曉晴
老眼不隨花柳轉
一犁春事最關情

石勒問道圖

輕比韓彭作李陽
高僧久已笑君狂
中原果有劉文叔
肯說鈴聲替戾岡

貞燕

杏梁雙宿復雙飛
海國爭教隻影歸
想得秋風逼涼冷

謝家兒女亦依依

留贈丹陽王鍊師

漱盡貂裘白髮新
京華旅食記前身
仙翁相見休相笑
同是邯鄲枕上人

元夕

花影燈光一萬重
青衫驄馬踏東風
彰陽舊事無人記
二十三年似夢中

酴醾

枕幃餘韻最清真夢裏猶來著
莫人擬借濃陰作羅幕
玉纓多處卧殘春

和德新丈

二年老眼暗兵塵今日逢
君喜事新結伴還鄉有成約
不應先作北歸人

倦繡圖

香玉春來困不勝
嗁鶯喚夢幾時磨
可憐顛賴田家女
促織聲中對曉燈

雪谷曉行圖

漫漫長路幾時休
風雪無情夢亦愁
羨殺田家老翁媪
瓦盆濁酒火鑪頭

與西僧倫伯達

行雲孤鶴萬緣輕
遙見鄉關眼便明
不似遺山元老子
塵埃風雨過平生

元詩選初集卷三